



## Al gaan woon ek in die verre weste, ook daar lei u hand my

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**In Psalm 139 vers 1 lees ons: *Here, U sien dwarsdeur my, U ken my. Of ek sit en of ek opstaan, U weet dit... Ons lees verder in vers 3: Of ek reis en of ek oorbly, U bepaal dit, U is met al my paaie goed bekend. In verse 8 tot 10 lees ons weer: Klim ek op na die hemel, is U daar, gaan lê ek in die doderyk, is U ook daar. Vlieg ek na die ooste, of gaan woon ek in die verre weste, ook daar lei u hand my, hou u regterhand my vas.***

Oor die afgelope maand het die woorde van Psalm 139 vir my 'n spesiale betekenis gekry. In die woorde van die digter het ons in die verre weste gaan woon. Ons het die keuse gemaak om na Wes-Australië te verhuis.

Die ingrypende keuse het met baie sielswroeging en onsekerheid gepaard gegaan. Is dit die regte besluit vir ons en ons kinders? Wat van die oupas en oumas, broers en susters wat ons in Suid-Afrika agterlaat? Wat van die gemeente waarin ek gedien het en die kerk in sy geheel? Ook hier waar ons in Bunbury, Wes-Australië, vir die afgelope maand woon, lê ek aande wakker en wonder: Het ons die regte besluit geneem?

In daardie oomblikke wanneer die verlange en twyfel die grootste is, vind ek troos in die woorde van Psalm 139. Hier in Australië is alles nuut en onbekend. Dit wat voorheen troos en rus gebring het, is duisende kilometers weg. Ons gesin begin as't ware oor – 'n nuwe land, 'n nuwe dorp, 'n nuwe werk, kerk, skool, kultuur en taal. Tog weet ons dat God nie nuut en onbekend is nie. Ons weet dat Hy troos en rus bring waar jy jou ook al in die wêreld bevind. Vlieg ons na die ooste, of gaan woon ons in die verre weste, ook daar lei sy hand ons. En al begin ons oor, in 'n vreemde land, begin ons nooit oor met God nie. Voorheen het Hy ons in sy regterhand vasgehou, en steeds hou Hy ons vas en veilig hier in Australië. Hy is steeds dieselfde getroue Vader wat ons paaie vir ons vooruit loop. Ons kan dit met sekerheid van God bely omdat ons Hom so leer ken in sy Woord en in Christus.

Die wete neem nie soseer die onsekerheid en verlange onmiddellik weg nie. Dit maak dit egter moontlik om voluit 'n nuwe toekoms hier en nou te bou vir ons en ons kinders. Dit maak dit vir ons moontlik om deur die moeilike tye te werk omdat ons weet dat ons nie aan die lotgeval uitgelewer is nie. God het ook 'n doel met ons hier in Australië.

Die digter van Psalm 139 het gedurende omswerwinge ontdek dat God altyd teenwoordig is. Dié wete vertroos en versterk hom. Net so het ons in Australië weer opnuut besef dat God altyd met ons is. Sonder dat ons vra of dit verdien, loop Hy die pad van lewe met ons. Dié wete versterk en vertroos ons. Dié wete vul ons met dankbaarheid.

Daarom sal ons ook poog om uit dankbaarheid iets van God se teenwoordigheid sigbaar te maak in ons nuwe tuiste hier in die verre weste.

**Ds Petrus Dreyer, Australië**

## Lief en leed



Ds Peet Kruger



Cecilia van Tonder



Prof Gert Pelsler

- Emerituspredikant **ds PJ (Peet) Kruger** (85) is Maandagmiddag 30 Mei in die egpaar se huis in 'n aftreeoord in Witbank oorlede, nadat hy verlede Vrydag begin sleg voel het. Die roudiens vind plaas op Saterdag 4 Junie om 12:00 in Gemeente Suidoos-Witbank en sal gelei word deur ds Naas Lombard. Ds Kruger se dogter, ds Marinda Carelsen, het op 1 Junie uit Australië in Suid-Afrika geland. Ons innige simpatie gaan aan mev Beatrix Kruger, hul kinders Christiaan, Peet en Marinda, en die familie.
- **Cecilia van Tonder**, een van die Kerk se verteenwoordigers in die VONKK-werkgroep en medewerker aan die Liedboek van die Kerk, is Saterdag 28 Mei na 'n lang stryd teen kanker oorlede. Haar begrafnisdienst sal Saterdag 4 Junie om 14:00 plaasvind vanuit Gemeente Pretoria-Oos. Cecilia is die persoon wat die heel meeste melodieë vir VONKK gekomponeer het (meer as 70), asook drie liedere in die Liedboek. In Februarie het sy nog as dirigent opgetree by die VONKK-opedag. Haar kreatiwiteit en toewyding gaan baie gemis word! Ons innige simpatie gaan aan haar naasbestaendes en vriende.
- Die **gedenkdienst vir ds WJ (Wimpie) Steyn** op Saterdag 4 Junie om 11:00 in Wapadrant kan op YouTube gevolg word, by <https://youtu.be/2SjyFf57Hg8>.
- Emerituspredikant **prof GMM (Gert) Pelsler** (85) is pas gediagnoseer met pankreaskanker (graad 4). Ons bid hom en mev Sarie Pelsler baie sterkte toe, en die Heer se nabyheid in dié moeilike tyd.
- **Die volgende predikante verjaar tot 10 Junie, en word hartlik geluk gewens:**
  - Saterdag 4 Junie: Di TF (Thomas) Joubert (64) (Swellendam) en CAA (Tiaan) Loedolff (36) (Vaalwater)
  - Sondag 5 Junie: Dr JGM (Hans) Dreyer (77) (emeritus) en ds GF (Frikkie) van Wyk (57) (Montana-Oos)
  - Maandag 6 Junie: Prof APB (Andries) Breytenbach (78) (emeritus/Vanderkloof), di PS (Petrus) Dreyer (37) (buiteland: Australië) en HJ (Herman) Jansen van Rensburg (75) (emeritus)
  - Dinsdag 7 Junie: Di LJJ (Leon) Nell (82) (emeritus) en JA (Johnny) Young (48) (Rustenburg-Tuine)
  - Woensdag 8 Junie: Di WJM (Willem) Breytenbach (62) (Hazyview/Sabie/Witrivier) en RC (Marina) Kok-Pretorius (27) (Potchefstroom)
  - Donderdag 9 Junie: Ds JJ (Kotie) Mc Donald (64) (Turffontein)

## Gemeentes en bediening

- **Gemeente Parkrand** se inligting in 2022 se *Almanak* (bladsy 35) het verander. Die sekretariële beampte is mev Ina Steyn, en haar kontakbesonderhede is 011 896 3112 en 082 927 9831. Die gemeente het nie tans 'n orrelis nie.
- **Gemeente Stellenbosch** vier vanjaar hul **50ste bestaansjaar** en nooi almal wat oor die jare deel was van die **HSV (Hervormde Studentevereniging)** na 'n **reünie die naweek van 15-17 Julie 2022** op 'n kampterrein naby Stellenbosch. Almal wat dit graag wil bywoon, word versoek om Elizabeth Rossouw te kontak, selfoon 081 833 7022, e-pos [22620109@sun.ac.za](mailto:22620109@sun.ac.za). Alternatiewelik kan u ook vir dr Chris le Roux by [cleroux@mweb.co.za](mailto:cleroux@mweb.co.za) kontak. Alle oudlidmate van Stellenbosch, vorige predikante asook ander belangstellendes word ook genooi om die **Feesdiens op Sondag 24 Julie** om 11:00 by te woon. Indien moontlik, is u ook welkom om Saterdag 23 Julie by hul Potjiekosdag op 'n nabygeleë wynplaas te kom saamkuier.
- **VAKANTE WERKRUIMTE: Gemeente Randfontein Midpark.** Aansoeke word ingewag van 'n gelegitimeerde predikant van die NHKA om hierdie werkruimte voltyds te bedien. Die versorgingsriglyn is die traktementskaal 5-6 jaar.

**Gemeenteprofiel:** Die gemeente bestaan sedert 1987 en is een van twee NHKA-gemeentes in Randfontein. Die sieletal is tans ongeveer 240. Die ouderdomsprofiel is redelik verspreid, met 'n gemiddelde ouderdom van 53 jaar. Die gemeente beskik oor 'n moderne, doelmatige kompleks bestaande uit 'n kerkgebou, kategeselokale, saal, kombuis en netjiese tuine. Verder beskik die gemeente oor 'n ruim, gerieflike pastorie.

**Leraarprofiel:** Die geskikte kandidaat se lewe moet getuig van 'n passiewolwe verhouding met God. Liturgies goed voorbereide, Geesvervulde eredienste is vir die gemeente ononderhandelbaar. Die gemeente verwag van aansoekers om 'n erediens in die gemeente waar te neem en die volgende vraelyste te voltooi en terug te stuur: Persoonlike inligting; MBTI-persoonlikheidsprofiel; en Spiritualiteitsstipe.

**Aansoeke sluit op 30 Junie 2022.** Aansoeke moet vergesels wees van 'n verkorte CV wat die kontakbesonderhede van minstens twee referente insluit. Dit moet gestuur word aan die Adminbeampte, [nhkerkmidpark@afrihost.co.za](mailto:nhkerkmidpark@afrihost.co.za). Die kerkraad behou die reg – indien so besluit – om nie een van die aansoekers te beroep nie.

## Vergaderings

- Donderdag 2 Junie: Kommissie van die AKV
- Vrydag 3 Junie: Kommissie van die AKV
- Saterdag 4 Junie: Kommissie van die ADV
- Dinsdag 7 Junie: Bestuurskomitee

## Toerusting

- **TIRA-SA: Koeëlbestand teen boelie**  
Zoom-webinaar met dr Yolinda Steyn  
**Saterdag 4 Junie 2022 van 09:00 tot 13:00**  
Lede van TIRA-SA R350, nie-lede R450  
Vind meer uit oor boeliegedrag in die skool, werkplek, gesin en sosiale media  
asook die een wat niemand onthou nie: *Gaslighting*  
Leer wat is boeliegedrag, tipes boelies, statistieke en waarskuwingstekens  
Vir meer inligting en om te registreer, besoek [www.tirasa.co.za](http://www.tirasa.co.za)
- Staans u dikwels voor 'n getraumatiseerde lidmaat en wens u weet hoe om werklik van hulp te wees?  
Kom woon 'n **TIR-werkwinkel** (*Traumatic Incident Reduction*) by en kom leer iets van Jesaja 50: 4 –  
*Die Here my God het my geleer om die regte woorde te gebruik sodat ek dié wat moeg is, kan moed inpraat.*  
*Elke môre laat Hy my opnuut weer luister...*  
**Datum:** 6-9 Junie 2022  
**Plek:** Pretoria  
**Koste:** R5 000  
Besoek [yvonneretief.weebly.com](http://yvonneretief.weebly.com)  
of kontak Yvonne by [retief.yvonne@gmail.com](mailto:retief.yvonne@gmail.com)
- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeenteweess) gratis oor 'n periode van ses weke aan. Dit sal via Zoom plaasvind, daaglik van 09:00 tot 11:00, en wel op die volgende datums:
  - Die herontdekking van God se missie: 28 Julie
  - Die herontdekking van missionaliteit in 'n veranderende wêreld: 4 Augustus
  - Die herontdekking van die missionale aard van die gemeente: 11 Augustus
  - Die herontdekking van dissipelskap: 18 Augustus

- Die herontdekking van missionale spiritualiteit: 25 Augustus
- Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1pIZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by [karen@nhk.co.za](mailto:karen@nhk.co.za).

## Kerklike publikasies



**Bybelse Dagboek / Almanak 2022**  
R200 (versending uitgesluit)

Kry belangrike inligting oor die Hervormde Kerk én 'n inspirerende Bybelse dagboek in een omslag

**Beperte oplaag – bestel by [boekwinkel@nhk.co.za](mailto:boekwinkel@nhk.co.za)**



**Tydskrif vir Hervormde Teologie (THT)**  
Jaargang 9 (2021)

Die NHKA se teologiese tydskrif nou vir die eerste keer in boekvorm!

Beperte oplaag – bestel by [boekwinkel@nhk.co.za](mailto:boekwinkel@nhk.co.za)

R120 (versending uitgesluit)



## BOEKWINKEL-PROMOSIE

Die wonderwerke van Jesus bestaan uit 'n klank-CD met 15 stories oor Jesus se wonderwerke en 'n inkleurbok met prente van elke storie. Dit sal elke kleuter bekendstel aan Jesus, die mense wat Hy ontmoet en die dinge wat Hy gedoen het. Dit wat die kleinspan op CD hoor, word vasgelê met die inkleur van die ooreenstemmende prente.

**R50 BEPERKTE VOORRAAD**

**Bestel van mev Sarie Roux by [boekwinkel@nhk.co.za](mailto:boekwinkel@nhk.co.za)**

## Studentesake

- **Studentebehuising vir 2022. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.
- **Studentebehuising vir 2022. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.

## 'n Gedig

### Aan 'n gestorwe beminde

Vanoggend toe ek uit die bed opstaan  
was oral in die kamer die gevoel  
dat jy vandag sou kom. Dit het gereën  
en buite was die wêreld bros en koel.  
Ek het my hande en gesig gewas  
en opgewonde voor die spieël gestaan  
soos iemand wat hom regmaak vir 'n gas.  
Toe het ek met die trappe afgegaan.

Ek het jou voor die stoof gevind waar jy  
die stompe aangesteek het en die gom  
wit afgedrup het op die vuurherdklei.  
Hoe sal my hart ooit van jou dood genees  
as jy nog elke oggend na my kom  
en ek jou selfs kan aanvoel in die vlees?

**Ronnie Belcher**

(Uit: *Die ver land*, 1961)

## Fondsinsamelings

- **Gemeente Groot Marico: Winterkarnaval**  
**Groot Marico Safari Ekspo in samewerking met Agri NW**  
**Donderdag 2 tot Vrydag 3 Junie van 10:00 tot 19:00**  
Verskeie stoetvee-uitstallers  
Trekke, voertuie, implemente en ander boerderybenodigdhede  
20 vlooiemarkstalletjies  
Musiek deurentyd deur Freckeld Elvis  
Elke oggend heerlike plaasontbyt  
Verskeidenheid vleis en slaai deur die dag  
**Saterdag 4 Junie van 08 tot 15:00: Tradisionele Safarikarnaval**  
Gaskunstenaar Saterdag is Appel  
Kindervermaak, veiling met eg Marico-houtmeubels en mampoer  
Kultuurstal met handwerk, Marico-kultuur en plaasprodukte  
Tradisionele pap-en-kaiings  
Nagereg, pannekoek, vetkoek, worsbroodjies, kerrie-en-rys, slaptjips, koeldrank, koffie...  
Wilds- en beesbiltong, droëwors en salami  
Bees-, skaap- en varkveis teen billike pryse  
**Kompetisiekaartjies @ R100**  
Wen 'n ECO 4x4-bossleepwa (ontoegerus)  
Kaartfasiliteite beskikbaar!  
Eenmalige toegang van R20 per persoon betaalbaar  
Navrae: Boet Nel (Karnavalvoorsitter) 083 372 9751

- **Rata se Gholfdag ten bate van Kinderbeskerming.** Rata Maatskaplike Dienste se jaarlikse Gholfdag vind vanjaar op **23 Augustus by Silver Lakes Golf & Wildlife Estate** plaas – dit is hul agtste Gholfdag. Rata vra vir ondersteuning in die vorm van vierbalinskrywings, borgskappe en pryse. Inskrywingsvorme, borgskapvorme en meer inligting kan aangevra word van Annelie by [info@rata.org.za](mailto:info@rata.org.za) of 064 437 5997.

## Barmhartigheid

- **Opleiding in tuisversorging van bejaardes**  
**Virtuele inligtingsgeleentheid saam met Helpende Hand**  
**Donderdag 9 Junie om 19:00**  
 Met Wilna Gates (ADV), ds Gert Macdonald (Nelspruit) en Joey Vlok (Helpende Hand)  
 Registreer [hier](#)
- **Athalia Uitreik in Bloemfontein**  
**Verblyf vir en versorging van bejaardes en gestremdes**  
 Enkel- en deekamergeriewe in 'n huislike atmosfeer  
 Verblyf met 3 etes ingesluit  
 Verblyf sonder versorging R1 700 per maand  
 24-uur-versorging onderhandelbaar  
 (maksimum R8 000 per maand deekamer)  
 Navrae: 079 826 6363 / 084 023 0315 / 051 522 6089  
[navrae@athalia.co.za](mailto:navrae@athalia.co.za)  
[www.athalia.co.za](http://www.athalia.co.za)
- **Machteld Postmus-behuisingskompleks vir bejaardes** in Brooklyn, Pretoria, het 'n **tweeslaapkamer-woonregeenheid** beskikbaar by Frans Boshoff: Dit is Woonstel 13 teen R465 400. Kontak mev Hannelie Fourie by 012 325 1857 x216 vir meer inligting.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord**  
 Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:  
 Enkelwoonstel (*Bachelor*): R510 000  
 Eenslaapkamer: R515 000  
 1½-slaapkamer: R520 000  
 Tweeslaapkamer: R560 000  
 Navrae: Salomie Stolz 012 329 4318 / 083 308 0520



## Betaalde advertensies in hierdie nuusbrieff

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.)** Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

## Gebed vir vrede

*Vrede laat Ek vir julle na; my vrede gee Ek vir julle.*  
(Johannes 14:27)

Heilige Gees van Vrede,  
kom vertoef hier diep in my hart.  
Laat my optrede vandag  
sonder aggressie en woede wees.  
Laat my woorde vandag  
spreek van deernis en omgee.  
Laat ek met elke asemteug u wysheid inneem  
en met elke uitaseming u genade versprei.  
Mag ek só iemand se laste help dra,  
al is dit net gedeeltelik,  
sodat ek 'n heilige instrument kan wees  
van u vrede.  
Ek vra dit in Jesus se Naam.  
Amen.

[go.sadlier.com/religion/prayer-of-peace](http://go.sadlier.com/religion/prayer-of-peace)

(Afrikaanse verwerking: Tessa Oppermann)

|                  |  |
|------------------|--|
| Redakteur:       | Ds Willem Sauer                          |
| Subredakteurs:   | Ds Etienne Fourie en dr Johan van Staden |
| Koördineerder:   | Mev Tessa Oppermann                      |
| Uitlegkunsenaar: | Mnr Hugo van Niekerk                     |

